

魚山剩稿

五

卷一

上

中

下

一

魚山剩稿 (清) 熊開元撰

上海古籍出版社出版

上海古籍印刷廠印刷

各處書店發行所經售

一九八五年二月第一次印刷

開本：六一〇乘一三七二毫米十二分之一

印張：六三又六分之五 印數：一——一四五〇部

統一書號：一〇二八六·四八四 全五册 線裝本定價：二十一元

魚山剩稿目錄

卷七

雜著

大修文廟勸疏

月印上人募飯僧田引

重修寶勝寺募引

募造韋馱像緣引

廬山東林募修遠公塔院疏

安樂畝募建茶亭緣引

佛慈住菴題語

募竣藥師殿兼舉放生會疏

楚省募造普同塔疏

九峰約辦日齋題語

散朝橋題石

路文貞公像贊

處士張君美像贊

三峰藏和尚道行碑

吳江聖壽寺恢復故址鼎建大悲壇碑記

吳江聖壽寺新建準提懺壇碑記

沔陽隄工碑記

潭州神山白雲寺問石禪師塔院碑記

神山白雲寺若客賓上座塔前碑記

祭王聞修學憲文

祭輔國將軍瑞鶴文

祭外舅余公文

祭梁三可邑侯文

祭祖母弟尹封公虛台文

魚山剩稿卷七

嘉魚 熊開元 著

門人 李遜之 編

雜著

大修文廟勸疏

開元嘗從邑北隅詣先師孔子廟愴然有傷也初及門顧石櫺欹甚無所蔽闌入者旣莫之誰問繇此登階甃櫺石爲廉缺而不可數也止戟門上下視不忍卒觀之矣振衣升堂牆與棟匪不苟塗墍茨而櫺題

之爲蟻穴者業敗絮其中莫能朝夕仰睇聖座支短
版石枰上固陋椎簡下媿三家村祠主而啓聖一宮
尤馬羊蹂躪不忍聞夫非萬世帝王師與夫何爲至
於此下逮兩廡洎鄉賢名宦祠或蟲禦梁而垂絕或
蜚飛瓦而半存歎霖雨之秋零披繁霜乎夜隕神將
時怨人何以堪嗟我蒸民其於諸致福者蓋未嘗不
數數然矣莊嚴佛菩薩崇祀鬼神皆樂竊其貨與力
務求美備至於孔門根本所從出也大學之道童而
誦之至於老服用不衰卽讀書不曉大義或生平未

嘗目一丁然且終身游仁義之藩萬世享治平之福
如盲人於日天子雖本所不見亦以此得知寒暑晝
夜安其寢興服食之常固無人無日不在先師蓋載
中得志與不得志其身與其子孫皆非義所論乃舉
國之人從生至死未嘗聞拈孔子一瓣香加聖廟一
衣衾土卽叩以孔子誕辰諱日亦茫然無以應羣食
其利之謂何而羣不報斯天下之大惑畢世不忍言
之痛矣詢其故條編修理歲儉於五金前人以蠱壞
貽後人後人雖倍費如不可救何至於里塾仁人靡

不或恫然在念祇以故事有司存遂相沿不爲理夫
吾儕旣目擊其窮矣不爲理而俟之有司有司又俟
之有司荆榛之翦除夫何日之有開元爲此慮不憚
唱于凡我同人見聞如是事踴躍必當過我願共成
之不日也若夫得門而入騁懷美富之間殷周非往
卽今匪今相與響荅乎一堂而表章其未卷是聖人
復起也開元延頸俟之矣

月印上人募飯僧田引

爲諸佛菩薩無盡故羅漢比丘無盡羅漢比丘無盡
故供養羅漢比丘諸善男子善女人無盡爲供養羅
漢比丘善男子善女人無盡故飲食衣服臥具醫藥
諸供具無盡此量廣狹與彼量衆寡各各平等相稱
非因非緣非自然非不自然其福可得而食其故不
可求也經曰山河大地皆妙明心中物月印之求田
食人者是耶非耶方其初發願時空風轉搖耳且與
爲微塵許且與爲芥子且與爲菴摩勒果且與爲由

延歲月遷矣曾有移於刹那際耶曾無移於刹那際
耶然則過此東去西去南去北上去下去無量無
邊恒河沙世界各國土但有佛菩薩羅漢比丘善
男子善女人處所一食時各現一月印爲彼宣說使
作者受者同時歡喜亦脚 下平平實實事三頃六
十畝云乎哉若是三頃六十畝居士以爲未足耶非
也一毫端現寶王刹則此三頃六十畝中一拳一錫
一葉一花呼之以善男子善女人將善男子善女人
應呼之以羅漢比丘將羅漢比丘應呼之以佛菩薩

將佛菩薩應卽還呼之以月印亦月印應居士於是
舉方不禁睂間光吐又何敢慳此筆施財施不以廣
其勸化

角山乘務

卷一

四

重修寶勝寺募引

今之南嶽遊匪遊也念吾道之江河將求人於草莽
深山大澤實生龍蛇敢謂古今人不相及耶乃仰而
探思讓之遺近則遡朱張之派卒寥寥兔角焉猩猩
鸚鵡難與爲羣已矣乎余安適歸矣會同行雪上座
以寶勝老人對跡其行事雖其人已往精神可見也
則相與杖策而歸之老人爲誰寶蓮松公是也公披
染有年天啓初以韜鈴智勇爲諸當事所知匿之不
可得乃強起應聘討西川叛寇義旗所指得首功人

謂公不返矣卒辭上賞退而隱一丘人謂公有泉石癖既疲馬上將從此休焉乃其丕建叢林爲十方衲子計又未嘗倦勤積十年一日也嗚呼達視其所不爲窮視其所不欲於以觀人亦庶幾無滲義矣如公之外其身而內人無用於世而求有以益世求之古人中數數哉余行有日其上足某公請曰如君言吾幸無過於此是雲堂之就圯也聽之乎余曰不然公師資負如許高節聞風起者未發心必發已發心必堅未發心者曰以彼棄鼎鐘敝履也吾儕守尺寸而

不釋然獨何與已發心者曰以彼子若孫世相及而無替也余一人之身豈其有變志耶審若是實勝之更新且不日某公雖欲罷其可得乎然余猶有說於此西川之役某公與同遁思空谷某公又與同是其骭髀磊落固非庸流所得望而其子若孫又皆徇齊能讀佛書作佛事各各光明夫豈數尺椽所能蓋覆誠由此懋建法幢俾雲遊叅衆慕於寶勝鉢盂邊摸得匙箸是真能以無米飯飯僧無陰陽地接衆施者受者兩不爲淨名所訶雖古先聖哲已燼之燈於焉